

## **As árbores da fraga**

Estaba o acivro  
de garda na fraga,  
pasou o carballo  
e non lle dixo nada.

Chegou o eucalipto  
á porta petar,  
o acivro de garda  
non o deixou pasar.

Entrou o bidueiro  
e máis o salgueiro,  
tamén o cerquiño  
e o ameneiro.

Pasou o pradairo  
seguido do freixo,  
tamén a abelaira  
e o castiñeiro.

Logo entrou o buxo  
e máis a sobreira,  
despois veu a faia  
xunto coa ulmeira.

-Vaite eucalipto  
non insistas máis  
que aquí na fraga  
non podes entrar.

**(Xosé Lois Seixo Fernandez)**